

129
189
11/4(1)

中國方志叢書·華南地方·第二六四號

據
民國十四年
許實纂
鉛印
本修

影印

雲南

祿勸縣志



成文出版社有限公司印行



戊辰十月既望

祿勸縣志

東陽張氏書藏



雲南
開智公
司代印

新學
社
PDG

祿勸縣志序

祿勸一邑界連巴蜀列徼外者二千餘年地雖漢夷輻輳內者三百餘里固滇省西北之藩籬扼川邊東南之鎖鑰在唐虞爲昧谷之交在夏商爲梁州之域周則合梁於雍秦則略滇屬楚漢屬會無縣而郡則隸越僞唐屬宗居縣而部則稱羅婺元升爲州與和曲而指臂相使涓降爲縣與元謀而層齒相依始爲領易籠石舊二邑居然荒服雄州繼焉轄普渡撒墨兩司亦非彈丸小縣仰觀星野宿居井鬼之間俯察輿圖壤接川滇之界山深菁密氣候則寒燠不齊土樸農勤風俗則醇良是尙界劃六區疆域之縱橫幾千里圖呈八景林泉之名勝甲一方山以秀屏作枕面臨鳩水而


迴環河以普渡爲襟源自崆川而浸灌沐氏之勳莊久併田賦皆屬版圖鳳冢之上舍早裁戶口何分彝漢所惜者設學太遲故科第之登庸不廣裁營已久故關津之捍衛難周耳憶昔蜀相平蠻南征紀啞泉之蹟滇王僭號東禪崇蒙嶽之封搆思班江外興師著戎衣而一渡建文帝山中避難披僧衲而三藏凡此皆帝王將相足跡之所經亦漢唐元明掌故之所繫其間代有傳人詳於載籍董明經是循良吏名垂秀水之碑張僉書乃理學儒文著雪山之集陳生以孝聞五夜迷尋親之路奢格以烈著千秋表懸女之巖楊泗水舍生取義德紹一山梅庚峯教子揚名芳聯五桂孰謂僻壤荒陬之難化而流風遺韻之無聞乎載徵物產各別土宜五

金則產銀銅白貨則出刀貝菽則石花茹藥則石斛茯苓珍禽
則鸚鵡錦雞奇獸則犀牛仙鹿此皆類聚羣分亟應旁搜博採也
茲者國家改革除專制而共和學校盛行啓文明而遷化籌辦警
察間閭獲保安訓練國防關隘藉資防守振興實業野少遊民
選舉議員官無枉法此又新政之萌芽而爲前朝之缺點者也惟
是地方僻處邑乘闕如其耆儒循吏僅附於省志郡志之中彝俗
方言偶見於藝文藝文之內家乘碑銘紀載半多失實稗官野史
傳聞尤屬不經蓋緣改土歸流文化較遲乎上邑以故探風問俗
輶軒莫逮乎邊隅稽志乘於祿陽實權輿於清代粵自康熙五十
八年己亥州牧李竹坡創修至乾隆四十五年庚子縣令檀豈田

增輯要皆先正典型可作後儒模範然李志則提綱索領草創粗具規模檀志則踵事增華瑣錄未符體例古人往矣後世惑焉迄於今兵燹迭經事殊時異衣冠已邈物換星移斷碣殘碑慨滄桑之屢變徵文考獻嗟杞宋之無徵倘再因循玩愒不能廣續纂修匪特近年事蹟有類於水月鏡花卽前代典章亦付諸荒煙蔓草誰實爲之良可慨已楊翊承先生者前羅雄舊令貴同學故交也近年改組歸來彈冠待薦抱愛鄉之素志發思古之深情竊以爲數千年之掌故不可久湮白餘載之志書亟宜續纂彙楚材晉用先哲既殫其端蕭規曹隨後人常援爲例乃商諸父老謀之官紳特聘賢擔任總纂編輯全書實自維雕蟲小技愧難著作之三長

劉鵠潛修勉竭芻蕘之一得乃束裝而就道爰開局以徵言訂殘
補缺敢教滄海遺珠發微闡幽忍聽黃泉埋玉雖據事直書略仿
董狐之筆而諷遺拾唾甯無亥豕之訛計自壬戌冬十月按部分
編至癸亥秋九月全函脫稿從此冊成十三卷不妨禍棗災梨化
治千百年共識恭桑敬梓是役也楊明府翊丞提倡之梅廣文益
齋佐理之邑侯全公源清監督之議長角君颺廷梅君獻廷主張
之而始告厥成功昭茲來許者也謹叙崖略庶原始以要終用弁
簡端俾信今而傳後

民國十二年癸亥孟冬月下澣宜良許 實謹序



祿勸縣續修志書序

劉子玄謂史氏之流別有十所列郡書卽今之縣志也修史之難無出於志非老於典故者不能而又必才學識之兼長以史遷之閎肆而班固蘇轍乃議其非以孟堅之精深而劉知幾鄭夾深亦糾其失此勅崇垂鴻任也淺嘗者其庸可冀乎余遊跡半禹甸所歷通都大邑皆得觀覽其志乘心焉向慕雖所不至必鈎深而羅致之年來息景蓬廬敝帚自珍頗獲虛譽各縣之增修新志者嘗參與編輯潤色之役於以觀風俗徵文獻挹波膏馥實家破囊采摭既勤著述遂富樂此不疲蓋耽之亦已久矣慎僻邊塞開化較晚文獻舊荒各縣之有邑乘多權輿於清初或僅紀載百年間事

而能覈事顯義緒理要會使讀者有所欣契蓋不多觀此非特人
才之難作志之不易譬如資章甫於斷髮文身之俗鋪錦帳於黃
茅白葦之鄉雖良匠亦將窮於方術然後嘆二者之相需相得固
如石鼓之扣銅魚珊瑚之待鐵網也吾姪丕基宰祿勸之次年其
邑紳楊君國柱梅君增榮以同協修之祿勸縣志問敘於予其任
總纂編輯者宜良許秋田孝廉也觀其鈎玄提要條目得綱捭佚
撮殘苦心具見許君本宜良汲古雕鐫之士雖非其至以較他之
詠聞區見游談憑臆者當據上床祿邑信材亦可謂光遠而自他
有耀矣許君未歲其業齋志以歿楊梅二君合而足成之積少孫
之補史記曹大家之續漢書古今人詎不相及耶石屏袁嘉穀序

續修祿勸縣志序

方志未易言也不精於史學不熟
於掌故不足以言志不通於邏輯
學尤不足以言志觀於劉子言
論史法章安之論史義而和
西君所持皆屬合於邏輯之理
而則尤優之轉到西君躬行之和州

承情諸志令皆不傳湖湘通志之并
者甚稀茲則斯道之索解人正難
矣況夫國家社會之變遷人事之
繁複較前實多什百倍茲體裁
之虛及通搜攷之宜宏博著錄之
須翔實尤求之率尔操觚者嘗
本此以衡晚近之方志歟其能力者

甚多求其惟當者則甚少也或
曰以子之論似近者蓋將母令營
之者中而卻步耶是又不然取
法上猶得其中取法而下則若
之何方今四海雲擾政法凌夷方
志一于所繫尤重者地方有志之
士相與拾樵蕞殘諮諏者舊排

比集還勒為成書不其難哉而
多貴者耶福勸邑山桂全記
北鄰山境為唐省西北屏蔽而縣
志自為攀援中懷于首標默齋
讀於后中所為自數十年無有
續者其何以資輔軒之採訪備史
乘之要刪以人揚君國社卸任

羅平與邑士夫協商續行纂
修聘宜良許君秋田主其事則
年而書成借梅君增榮以稿見
昨體例不似通志其間與革利
弊故事轍國粹並具備也後僻
遠風氣晚開得此山居不易矣
以評九區而得留學國內外畢

業者若干人後此將翩躍起方興
未艾人才如此其他事業學術之
進步又豈有限量耶楊梅西君
中書中所列食貨學校水利武
備諸大端與賢有司一一謀所以
改進而濟於治理斯也亦以彰
西君之志所由及也傳其感焉